

黃陂縣志卷之九

文林郎知黃陂縣事楊廷蘊纂輯

原任監察御史補授縣丞李成紀

叅訂

署教諭事舉人邵光祿

人物志上

鄉賢

仕蹟

儒林

篤行

隱逸

義士

義夫

孝子

列女

才不擇地而生故譽擅鳩川德堪名世所在都有

黃陂縣志

卷九

人物上

乙

獨陂則尤有盛焉唐宋以來得窺聖域則有二程夫子外如木蘭忠孝實古今奇絕繼是亦代有名流各堪表著敢不急為闡錄以紀地靈因作人物志

鄉賢

往代傳人或千世或百世讀其書聞其風莫不歛嗟感嘆肅然想見之矧諸先生去古未遠而三不朽之行表已在人耳目者耶詩曰高山仰止景行行止其在斯乎

管如德任江州都統制能一手挽二弓世祖南侵如
德先登陷陣以功遷瀾西宣慰使上時政五條累
遷江西行省左丞招降廣東盜鍾明亮卒封平章
郡諡武襄公子淳祖官至富川尹弘治間崇祀

明

丁善即洪武初王師征陳友諒善即從授行樞密院
同知與諒戰死於鄱陽身被十餘創首脫猶執兵
若戰狀直立舟中不仆吳元楨記云認真主於草

黃陂縣志

卷九

人物上

二

昧審大寶之攸歸太祖定鼎贈柱國上將軍封濟
陽郡公從祀康山忠臣祠子孫世襲金鄉衛千戶
事見群忠錄洪武間崇祀

萬鈞學純正邑人稱曰萬五經洪武初召入史館上
親試古硯銘稱旨賜御酒三瓶劉三吾贈以詩銘
洪治間崇祀

陳寬性孝友倣儻相然諾事父母竭力致養歲入廩
餼不私學使優獎之居家不愧屋漏為司訓以朴
茂先邑人矜式謂之陳邑博弘治間崇祀

王韓明敏沉重博通經史少失父事母以孝聞母卒
韓時舉孝廉廬墓終制不赴公車有司爲勸駕乃
起授戶部主事廉幹著聲後督浙江儲賦及清鹽
竈事竣復命論績當陟秩尋卒于官錢塘瞿祐爲
之記弘治間崇祀

鄧鑑初授廣東海北鹽運副提舉尋任光祿署丞從
英廟征伐迤北陣亡景泰初賜勅文文畧曰陷於
戰陣勞苦可憫良切朕心錄其子瓊爲裕州守弘
治間崇祀後瓊生祐祐生景春領正德庚午鄉薦

黃陂縣志

卷九

人物上

三

除授忠州刺史後郡學生尚林邑學生世昌襲祀
生尚師皆其子若孫而崇陽王妃暨郡國夫人嘗
其女若孫屢指家乘蓋八輩王親七朝世臣矣
汪頡早失父事母至孝母卒哀毀骨立結廬墓所
三年晨昏泣奠悲號不已有二兔黃花巨蛇時近
左側烏鵲臺遠其室若依上然者鄉人異之有司
屢以孝旌弘治間崇祀

熊弘少聰慧十歲嘗屬文博淡文典辭厚自持守齊
寧勸農桑多惠政十民戶祝之堅志嘗歸不入

市徜徉山水間好修飾名檢終其身無滋垢弘治
間崇祀

徐尙爨端莊敦篤明性學宗二程嘗遠遊弟私鬻其
產比歸弟忸怩不敢面妻且欲督過弟爨曰汝烹
雞招來責之妻治具兄弟歡甚妻愠爨解曰弟以
鬻產故不我面我以友弟故圖盡歡全吾天性耳
一日拾遺金於途佇立待其人還之嘗有詩曰償
債賣田全信義閉門教子忍饑寒督學胡公直嘉
之嘉靖間崇祀

黃陂縣志

卷九

人物上

四

彭鳳來聰穎過人博通群籍好吟詠千言立就今巴
縣有政績善折疑獄召爲御史未及建白卒於官
嘉靖間崇祀

杜時制行端嚴自勵務爲君子任楊州別駕咸以清
慎勤稱之會歲大饑千里流亡無筭部使者檄公
賑濟公多所措置復捐俸濟之全活甚衆三年以
疾予告父老遮留各流涕車爲軹不得發嘉靖間

崇祀

蔡完卓有雅操苦志力學爲孝廉時避囂鄂渚會商

欽同袍二三輩至鄂邀請粟於撫臺公遂入辦
一盂鹽一豆進之徐曰吾不欲以饑舉人自處各
檄退令蘭溪有廉名召爲御史未數月卒於京邸
印准一破竹箱裝而視之僅禮段粗葛各一爾無
以發歌御史鄭寺正爲之經紀其喪各僚醵金爲
葬旅視以歸生平攻苦惜蚤世不究其用然其清
又訓令七襲人矣萬曆甲辰崇祀

賢者反篤行剛直不阿爲孝廉其貧苦學石令高
其節屢訪匿不見其令豐城也分宜用事公無所

黃陂縣志

卷九

人物上

五

狗改商城擒蔡駢盜民廟祀焉遷大理評事會給
諫吳時來主事董傳策疏擊分宜下獄或諷之予
死公曰殺鯁臣以媚權倖謂平何守雲南繩沐國
以藩臣禮謫判通州倭寇通主辨征繕有俘獲功
世廟賜金再守尋甸嵩明馬龍二州叛酋安詮誑
公奏記還四馬羈箠馬龍擒黜酋解南中大患迄
歸惟開戶闢居兩爲二千石月俸悉分給三黨家
無長物公微時有以巫蠱詛之者其人誑誤殺人
論死公力爲白之得免其大度又如此李太史維

禮表畧曰公生平力折倖相驕帥如汲長孺創後策西南酋老成持重如趙營平而歷事兩朝二十餘年名在謫籍者殆半抑何坎壈拓落哉然公所至咸爲立廟稱名宦云萬曆癸未崇祀

任惟賢負性直戇不媵阿干時腹笥五經言稱百代推重一時由孝廉任清豐縣知縣政績矯々萬曆間崇祀

李悅洪初陝右人以祖文秀由孝廉授蘄州學正曰古籍西陵之青紫舖至今墳墓在焉公文行兼優

黃陂縣志

卷九

人物上

六

以子誠誥封奉直大夫萬曆間崇祀

李誠戶部主事員外授永平知府隨推副使以直節立朝不阿逆瑾高尚致仕後瑾誅擢廣西右布政卒以邊功賜葬萬曆間崇祀

方一鳳祝世祿曰方次公雅志問學學宗二程皇々亦友足跡幾遍海內老且不衰學者稱其有鳳德號爲丹山先生而羅文恭扁其堂曰覽德益不誣矣萬曆間崇祀

王霽操履端潔父早卒事母至孝令吉水方田口與

羅文恭講求行之民以不厲補戶曹主事理密雲糧餉協謀督府以擒鹵功上特恩賞帑金守保寧會採木命下力爲調護夫役不擾嘗弭巨盜多惠政士民志碑碣祀名宦觀察雲南則訊黔國之毒解黎副使林叅議獄尋以太僕致政歸手一編若老博士絕不口時事憲使吳直畧曰昔吉水羅文恭生平最慎許可獨扁公之堂曰清白此可以知公矣萬曆間崇祀

張大爵字南湖涇儻不群性至孝母病刲股得甦每

黃陂縣志

卷九 人物上

七

讀蓼莪泣曰爲人子者不可不知醫遂精岐伯術嘗活數百人施棺瘞骨建生洲寺於武湖以救危險子濤爲遼東巡撫萬曆乙卯崇祀

張濤字振海號山是初令富順多政蹟三年報最擢工科給事達言謫歸非公務不履邑庭家居著書數年起徽令制一聯於儀門曰百里古蹟戾功名不薄對北闕盡一點心春生秋肅一官舊令尹面日難移軟紫陽得半文錢地滅天誅都人士舉名宦有專祠逾年擢戶部主政督餉宣大旋轉卸中

會試同考得進士二十人逾年歷轉光祿大理寺
寺丞陞遼東巡撫刻撫遼奏疏諸書忠義溢於言
表其轉餉用兵定國是而資廟筭者不減陸宣公
奏議也丁艱旋里憐夫里之疲議增加而平派憂
糴運之苦便水次以建厥凡利於民者不惜千萬
言行之不利於民者不惜千萬言止之後復肆力
於書學問事功稱陂邑之冠止遺一女旌節韓門
崇禎間崇祀

吳子榮字華軒居白龍山陽編毛詩教子不出戶庭

黃陂縣志

卷九

人物上

八

者三十餘年一日乘馬過橋馬蹶公下騎伏拜曰
我有遺行歟馬忽起公抵家或曰昨行貨者過門
家以爛麥得售頗行欺公卽焚香求懺後子之驥
侍御黃門崇禎間崇祀

黃雲闔號正野弱冠食廩餼事二親依 匕孺慕孝養
嫡母尤篤以明經謁選初除泰順訓復補瑞安諭
又遷濟源授每却寒士贄極貧者助以婚葬凡士
習推魯多方教之聞人冤抑力求解雪之署拓城
令六閱月歲荒停徵止訟及歸行裝蕭 匕二篋而

已家居十數載以伯子進士誥封侍御仲子孝廉
郡邑存問有加未嘗一與外事喜爲鄉父老請命
便宜治家有法讀堯夫集以自怡人謂之仁誠先
生崇禎間崇祀

張大猷字允升號武程以應經起家甫九歲暮歸迷
路有黃衣老人指引還家遺以紫金飛燕長善屬
文張公山是器之許配以安人閔氏之妹公初任
徐聞縣繼調香山童子試得何吾騶文爲冠軍何
尚未娶公延至署中三年飲食服用悉具且捐俸

黃陂縣志

卷九

人物上

九

爲擇配焉已而何秩晉相國則公之善知人也公
歷戶部郎中出任廣平太守尋晉寧泰道浙江按
察司廉使山西布政名宦四十餘載政事文章卓
然獨立奉旨建坊繪褒三代壽八十四以無疾終
其撰著最富祀鄉賢

吳之皞號比陽篤志好學初授霍山令霍荒饑多盜
茶稅煩重民多流亡前令逋稅以千計公下車卽
控諸上臺請疏捐茶稅三之一招集流亡借存留
額徵歲賦給牛種墾荒又力請上臺疏捐逋賦之

黃彥士字抑美號武舉與仲氏武濱弟兄師友人謂
其情形與督撫密謀禦變同事猶未信公捐俸增
城堞修戰具飭將士扼險要而余曾果叛郡邑多
賴以全陞大理左少卿抗疏魏忠賢罷歸崇禎初
旨下起用尋卒贈忠憲大夫崇祀

黃彥士字抑美號武舉與仲氏武濱弟兄師友人謂

黃陵縣志

卷九

人物上

十

有二程家風後其登仕籍堦筦唱和幾四十年公
初任太行不通權要一入臺中卽條上十事欵策
廢茶馬劾權璫之橫叅總憲之黨舉朝爲之咋舌
至於裁濫免緝客兵止汴米募丁壯殄土豪張萬
兒名震京師遂有鐵面小黃之謔以公形貌短小
也神宗嘗覽公奏曰黃御史真君子後茶馬陝蜀
復按中州革弊除奸不避權要卒以骨鯁左遷公
遂謝職不仕里居十載門徑蕭然日事講學他如
拯溺救荒社倉保甲諸義舉邑中賴之屬績時猶

急衆調公曰公無城守責請絕城出公曰忠臣不
絕請從竇曰忠臣不賣請憐所避之公曰忠臣不
避乃與縣令設竒堵截親冒矢石守三月食盡城
陷公從容入齋著朝服北面再拜曰吾得從二祖
列宗於地下矣遂抱先聖木主罵賊請死賊焚文
廟投公烈焰中忽雷震賊遂驚散子世祐年僅十
五聞變截指血書詣闕上疏于崇禎十二年諡忠
烈仍崇祀名宦鄉賢廡一子衣巾奉祀

鄧光舒字葆之博綜典雅深於理學登賢書猶頗年
黃陂縣志

卷九

人物上

十一

訓授生徒署光山諭嘗捐貲爲貧生聘娶陞國子
監博士著五經疏義陞大理寺評事辯誣洗冤一
時頌爲法署騶虞迨守徵江愛民如子舊例重刑
槩不輕用公惟以笞杖示辱賀對揚贊曰古貌古
心守先王之道法立言立德樹後進之儀型又曰
兩袖清風嶺南太守一堂聞吼吾黨先生崇禎間
崇祀

國朝

王默字貴一由孝廉授鳳翔府太守祖於陂生長於

燕家於吳陰行善素喜活人卽市中見魚鱉虫鳥輒以金錢脫之子爾祿舉進士放榜之夕環堵間有螺虫唧啞聲數日不散渡曦飼雀報應不爽茲其流亞歟順治間崇祀

王爾祿字天錫先世本貫黃陂因運糧流寓都門以清源籍成癸未進士來任三楚湖北學道衡文稱得人公父貴一奉直大夫未及尋宗而卒順治丙戌公督學將四年乃訪確陂族王勝係公嫡支遂聚族伯叔兄弟捐俸置田數十畝以供歲享而去

黃陂縣志

卷九

人

十三

後官歷太常卿兵部侍郎公生平懇直好讀難字古書重刻廸吉錄以勸世賑貧濟困戒殺放生其性然也後以壽終於京師陂人士思

祀

鄉賢仲子情襲廕貢

胡天起號仰文博學嗜古雅慕周程之學不競時名當萬曆戊子大祲盡傾所有贍之且察里戚之登不能婚葬者設法捐助偶拾遺金僕曰天憐吾子之困所以報也公笑曰吾不憂貧而天憂吾貧耶揭帑以還其人敬三兄如父教九姪如子初艱嗣

見任成都府司李康熙五年崇祀

譚德化字君明少攻舉子業恒忘寢食時邑有理學
會嘗曼糧赴講不問寒暑性孝友適父病篤嘗糞
以爲驗兒爲奸人誣訟公毅然以身代繫力自得
脫戚有病疫親故無過問者公爲調藥餌不去左
右友人遊蜀不歸公代辦薪水給其妻子三年無
倦偶道過凍者垂斃公身負之還其家鄉問老少
咸服其德明末公爲流賊所執以威脅公公不從
寇舉刃欲揮公大罵曰死賊乃敢害義士耶遂遇

黃陂縣志

卷九

人物上

十六

害里人癩之子忠義已亥成進士康熙五年崇祀
鄉賢

李元萃號灑水少負經濟由辛酉鄉薦主政戶部時
巨寇李青山嘯聚梁山運河梗塞詔簡才幹重臣
設法督濟遂遣公勅以五日一奏報公單騎入賊
營諭以大義隨間透表賊情條奏方畧討平之擢
天津糧道疏云用命者呼庚如火而司運坐廢逾
年持籌者粒粟如珠而掛欠動經百萬非改絃易
轍不爲功書上勅便宜行事舊例運艘幫齊始發

次應化文行兼優蜚聲膠序孫世珩壬午鄉薦任河南浙川令皆稱公之積累云康熙六年崇祀

康熙二十八年七月生員任琦同男生員任自任等

具呈爲哀祈俯 鑒微忱推 恩先後一請改刊

筆削之訛一請註明田糧之故事琦自春首得病

誠恐別天有期愈想積懷未吐琦曾祖諱惟賢由

嘉靖庚子舉人歷官四邑宰著述五經家藏現有

易經義訓禮記集註江淮閩浙間書坊亦有藏版

黃陂縣志

卷九

鄉賢

十八

行世德澤洋溢愈久愈馨遂于萬曆二十四年崇祀鄉賢誌載傳文全稿現存先于康熙初年前任楊父師改刪邑誌值琦宦遊江南不知擲目操觚者何人輕刪誌傳將先祖傳文全稿刪作兩行改著述爲腹笥二字易耿介爲性慤二字及琦歸查省誌仍如本縣初刻乃知刪改之妄何異滅祖之仇懇乞

太父師賞批或送學檢閱或從禮科點發刊填工

費自辦俾先祖德澤實屬可傳之人庶萬年俎豆
方爲應錫之典愚父子頃 恩曷有旣哉再有請
者琦祖自明洪武二年由豫章遷居陂邑結廬于
任家大塘卽誌中相傳石塿陂者今經三百餘年
田無易主廬無易姓先世刻有族譜槩爲賊炬所
滅琦捐貲創置祠堂一所鼎建于包家廟側卽在
大塘塿口之上又于大塘下公捐祭田四石四斗
爲每年春秋祭費誠恐田租無幾完糧則祭費不

足又恐糧隨田納捐田之子孫得以自由或賣或
存終無定局 琦將祭田弓口正米量子孫多寡各
勸認米五合另納 國稅而祭田所收之租止以
供祭祀之用且田屬通族認納錢糧則田爲通族
子孫公有之田不得爲原業主持已今派納五載
子孫欣服無異刻有小譜亦註晰甚明但法雖善
而時易勢遷未免無歲久人淹之憾又恐行之久
而地海滄桑難索跡廢圖存之旨或遇清丈或察

田米不曰米歸子孫而曰田無額糧子孫賢分辨
自明子孫不賢有情莫訴不幾多後日升科之慮
而又非作事者之初心也特懇

太父師 恩施祖骨澤及後裔俾琦族譜之序附
入邑誌註明有田無糧之故庶後世子孫知

太父師垂有不朽之典而世世子孫亦惟啣報殊
思于不朽矣奉

邑侯張諱士伸金批腹笥性戇不同且大異應宜

黃陂縣志

卷九

鄉賢

二十

照前改正以慰先賢至捐助祭田丁糧載人家乘
便可永遵勿替後世子孫孰敢訛混准附刊誌末
譜序俟修誌日定奪 蒙批遵行補刊省誌傳文
康熙甲子年重修省誌

黃陂縣任惟賢字懋功明嘉靖庚子舉人性耿介
篤志於學教弟子衆甚歷仕三任歸來貧極日
與耿恭簡講性命之理恭簡常曰昔之原憲今之
懋功也適有卹刑戴公臨黃公鄉隣有兩冤獄公

代白之後囚持金致謝公堅却之且囑曰毋令僮
僕知之恐來求索也著有五經註釋行世萬曆二
十四年崇祀鄉賢長子任時次子任現俱庠生孫
任三畏任三才俱庠生繒任琦庠生玄孫任目任
增廣生任榮任武庠任保任國學生

黃陂縣志

卷九

鄉賢

二一

